

濮川所聞記卷二

胡珠船先生

金

淮曉瀾

濮承鈞政衡

張文韓先生原本

濮

鎮讎宜

岳洙傳魯源

述

楊蔭軒先生

地宇

總記

駐防把總署

分防濮院汛把總一員馬步兵丁共六十六名快

號船三隻

浙江通志

駐劄濮院鎮

府志

濮鎮向無駐防

國初鎮南多盜鎮人張斗瞻請兵勦捕因借寓福善寺西房雍正年

濮川所聞記

卷二

一

始遷於渡船橋東之南埭遂有駐防把總公署乾隆庚寅年王

國棟重修

張彪字虎山徐州人鎮南多盜如楊爰朱倪之類

騷擾積年彪以參戎駐劄濮鎮漸次剪滅里人項仲卿沈爾任

輩咸贈以詩

紀聞

照磨所署

舊在郡治廳右雍正年移駐濮院鎮其署久圯今儼

民房以居

府志

常平倉廢曾駐劄焉後或賃民房或寓寺院至乾

隆乙巳里人始捐資為置衙署一所在秀水界之姜家街亦圯

常平倉

在東河明萬歷二十四年秀水知縣李培奉檄建常平

倉四濮鎮居其一今所稱倉前是也廳五間後堂倉廩左右各

二十間儀門三間耳房夾堂廡各一帶地二畝八分五釐後惟各縣治仍舊其他鄉鎮多廢

按常平倉社倉皆歸縣治偶遇荒歉卽平糶吾里創爲助賑之策里之殷戶好義出粟多寡不等置簿收記分貯各坊鋪戶闔鎮應賑貧民隨坊稽查每戶大小口若干給與小票賞往所該給發鋪戶逐日照票分賑或錢或米隨其所欲量入爲出限爲起止呈縣給示事畢申詳貧戶旣沾其惠殷戶亦蒙嘉獎誠盛舉也乾隆三十五年監生楊繡封等曾一行之五十年乙巳杭嘉湖三郡偶被偏災丙午春里人復循前議分賑三月適東臯

濮川所聞記

卷二

二

竇公校士禾郡具呈申請蒙獎以好義可風額以鄉里調賓之誼助當事荒政之勞誠非小補故因常平而記之以備考

以上紀聞

嘉慶九年十年又遇歲歉有力紳士仍各捐錢助賑其法尤爲盡善應賑戶口悉係各司事自備飯食挨戶確查屆期給票貧戶令自向捐戶領錢絲毫不涉已手其秀邑所屬向祇給發近市之東河寺後仁和三坊而市外者不及顧遂公議酌將已賑之贏餘兼濟明五庄之地字七圩及良五庄之寒字圩極爲當

道所獎

瑣志

鄉約所

桐邑志鄉約所在濮氏之白雲菴邑令胡舜允定額明

萬歷年間所設

社學 在倉內夾堂廡各一見秀水吳宏濟碑記

義塾 在元明觀後元大德中濮明之建趙文敏所稱爲義塾以
淑學徒是也環以幽篁覆以叢桂歲延名師主教事而文行兼
崇學徒日盛濮氏義塾時與風涇戴氏鹽官馮氏並稱以上按
紀間
府志在濮氏市上宅旁

梅涇義學 在余家橋左今廢爲民居矣紀雍正二年秀邑侯程
世恂率本鎮紳耆擇梅涇長生菴舊址捐建義學一座供奉濂
溪明道伊川橫渠紫陽五先賢神主爲延師講學課文之所詳

濮川所聞記

卷二

三

奉兩院憲批獎於四年正月二十八日設位致祭其後曾否延
師及如何毀廢俱不可考有初創底本存介社堂周宅因摘錄
一二附後

主祭官暨與祭紳士

秀水縣知縣程世恂儒學訓導葉煒全本鎮駐防李承恩闔鎮
紳耆張授麟素臣仲愷王者香懷績鍾曹煥德維鍾梁子久沈
嘉蓮周畿周甸屠嘉正歸倫濮元孝武姚葉觀光葉祥光宋永
齡張宏義程士樞鼎臣葉高志嵩山項觀洙孫汝年沈正卜甌
方章蔣宏猷陳飛穎陳梓沈登翰墨林濮宏孝經在徐忠屠嘉

柔張恒吉孟士英顧斌沈鍾美陳光裕朱廷謨張景穆西湄周
曦旦雯黃世麟顧天祥朱隆盛朱克勤濮光孝行先曹士勳銘
竹王大懋鍾崙袁定達周駿阮林松山仲德釗卓如徐錫爵慕
岐仲山含方岳鍾方允沆葉景濂吳遇昂千濮獻功馮之
陞張林沈廷瓚濮嘉士馮日升曹德培陳德星朗瞻王維新宗
觀劉大楠讓木沈雍嘉維章高士英王映宸馬吳耀張珏其相
仲奕林朱天祿周子騏阮煥曹時中濮枚恂九濮聯元維周周
世基周世埲周世墳周世棠周世堯欽表濮嘉元錢大彬李枝
繁馮秉馮秉鑑濮梁山儲陳涵

濮川所開記

卷二

四

召募租戶帖

本鎮梅涇義學現蒙督撫二院暨各憲批獎勒石曉諭募捐
碑銘同樂輸姓名清冊呈送并著議明基糧五畝四分作何出
息完辦等因今議得義學牆門東首已著邱丹書居住看管以
供酒掃尙有牆門西首兩間并朝西屋間與後空地約畝
有零召募務農誠實有妻室之人聽其居住餘屋可以轉租墾
種四時小菜兼植桑樹育蠶止於承辦錢糧永不加租毫忽若
果專精種植兼多房屋居住不村不郭可耕可織誠一美地如
有情愿承租者前詣坊保確核同至大街方宅公議覆縣於雍

正五年爲始特此召募是實雍正四年十一月闔鎮紳衿耆士
公墓 以上瑣志

梅涇義學門環流水內五楹供宋先賢周程張朱五神位外七
楹爲厨竈看守之所後大厦五楹旁廂樓各三間師徒講誦於
茲大暢 方學沆梅涇義學碑記

渡船橋東傳有義學已無可考近鎮人有徐上懷者有志復設
義學買嚴家滙民房一所爲之甫集事而上懷遽歿其事遂寢
紀聞乾隆年朱嘉謨設義塾於翔雲觀後旋廢嘉慶五年戴文成
鍾振容率先捐資設於雷家潭鍾氏之新宅今亦廢

濮川所聞記

卷二

五

義塚 一在鎮東長水一都嘉興界一在鎮北零西區九畝一分
五釐五毫秀水界一在鎮西南二十九都張鎮糧地四畝五分
明正德九年立一在西寺浜一十九都陳國珍稅地十一畝七
分崇正十三年置俱桐鄉界

按吾鄉土膏而民勤尺寸之地必耕植非稍溫飽者不能有葬
地而漏澤園之設原以收無主之骸有主者又不欲概從瘞埋
于是賃地而厝久或付之一炬嗚呼火葬之風稍知理性者何
忍爲此乃諭戒諄諄而此風未革者則以無葬地而又不肯爲
義葬也其法莫善於同仁仁親等會各出微資積數載而爲之

始於會內之人并及會外卽如鎮人吳烈婦一葬實郡中永安會成之蓋入土爲安既不嫌薄執紼集事更可敦俗而捐地施樽諸善事皆由是而推行之惟在樂善者能勸勉耳以上紀聞

惜字爐 在翔雲觀文昌閣前乾隆戊戌仲上舍廷佐忻孝廉溥初立惜字會辛丑同人復繼之其法與會者出錢二千或千文先拈定應發日期每遇朔望司事者輪赴翔雲觀支錢收買字紙焚化起灰裝運海濱亦先議定資費錢多送還會東不敷添補迄今二十餘年不廢瑣志

接嬰處 在西池街雇誠實有家室者居之預備嬰兒衣服每接濮川所聞記

卷二

六

一嬰買舟送郡城外育嬰堂朱嘉謨創於乾隆年其子樞繼之樞卒遂中止嘉慶六年嘉謨曾孫晉錫偕鍾振仁鍾振民沈涵熙等仍舉行之李郡伯賡云有序辛未又暫停壬申冬鍾振容率先捐資里中好善者助之依舊舉行樂施者自一愿至十愿不等其錢每月朔望兩期收取許一愿者每期捐錢七十文放生河 有二一在香海寺東平橋內一在西河聚鳳橋內嘉慶年里人請於當事給示以禁漁者以上漁艇紀聞

第宅

濮氏八宅 濮氏在宋有八宅二十六庄八宅者一曰舊宅在西

寺後今子孫尙聚居成村一曰大宅在洗碗池上一曰正宅卽
寺觀故址後有濮元帥花園山沼亭臺備具荷池數十畝卽八
景所稱荷塘晚風者後爲邱獄官池東有花園街至今仍其名
一曰市上宅在市中四面皆永樂市房舍內有松月寮闢地幽
靜不知在市喧中也一曰南新宅在南新街左一曰東河宅在
渡船滙東岸內有滄玉亭碧月堂一曰南河宅一曰大牆宅在
陸家橋西宅後大桑一株高百尺不便攀採嘗棄葉過半淳熙
中忽有野蠶叢生葉底數日葉盡成繭如卵蠶婦繅之竟得佳
絲以織一境蠶桑之利自此日盛桑之朽幹明萬厯初年猶存

家中疾厄禱之立應一曰西街宅在定泉橋左吉藹堂知止堂
百客樓桐香室俱在其內此樂閒公晚年所構後有叢桂園至
二十六庄舊圖散布四郊今惟鎮東有庄涇之名餘皆不可考
矣

府志參濮川殘志

按舊圖所載八宅則自大牆舊宅南河南新外有後涇幽湖梅
涇大街共稱八宅而不與焉又按八宅自宋有之入元
又不止是考濮氏家乘明太祖命遷惟濮鑑已故不在遷列濮
銑濮鐘俱遷王江溪濮錫俱遷虎溪濮鏡濮鑲濮鈿遷仁
和濮釗遷海寧濮鉞遷陡門濮鐸遷郡南濮錡遷常安濮銓遷

寧國濮鈇遷四安。濮鈇遷遷常熟。濮鈇遷臨安。濮鈇遷金陵。
濮鈇遷淞江。濮鈇遷青鎮。濮鈇遷松陵。濮鈇遷嚴州。濮鈇遷茶
山。濮鈇遷安東。濮鈇遷余壇。濮鈇遷萬溪。濮鈇遷龍潭。濮
鏞遷石門。濮鈇遷雙溪。濮鈇遷徽州。濮鈇遷山東。濮鈇遷
桐里。濮鈇遷建平。又遷烏鎮。濮鈇遷臨平。永樂甲申有司
以尊賢取友克敦孝弟同居十世無罪離析上聞從有司請許
並歸故土。惟濮鏡。濮鏞。濮鈇。復還與濮鑑。孫彥仁留鎮不
遷者。皆濮鳳長子梧之後。則當時之盛可知矣。又云。洪武四年
詔給天下戶帖時。惟濮守清受帖居鎮守清。濮鏡之子。

濮川所聞記

卷二

八

南北更樓 南更樓在陸家橋南北更樓在鎮水菴後高可眺遠
鳴更守夜以備不虞。濮子澄舊譜所稱更樓報夜迴環是也。皆
濮氏盛時所建。遷徙以後旋廢。

濮元帥別業 濮元帥別業有八。今皆不可考。按郡邑志皆稱濮
鑑宅爲濮元帥別業。考鑑墓誌銘以輸粟爲淮安路屯田打捕
同提舉所稱元帥。謂濮鈇封寧遠將軍者。非鑑也。元釋雪廬有
題別業詩。

寶券樓 濮氏扈宋南渡有宋賜鐵券其子孫建樓貯之。故址莫
考。澹軒述祖詩注云。鐵券在姪懋功處。濮履中云。鐵券據存眉。

山姪處按濮氏譜稱始祖鳳字雲翔爲宋駙馬都尉由貢入仕
撰宣仁太后實錄典瞻風華儀容俊雅帝甚悅之尙德陽公主
王梅溪和太尉濮士叅詩有玉葉金枝之句澹軒詩亦云我祖
帝錫其有鐵券固宜據澹軒履中所云則順治年尙在及訪諸
濮氏已無知者或云藏之者已殉葬矣惜哉

朱氏宅 在長水鄉宋朱勝非扈從南渡後居此有秀水閒居錄
元時籍產惟賜谷一支留鎮其裔孫遷石條街

國朝康熙年鳴吉光國以文武科顯今稱旗杆下是

燕氏故宅 舊稱濮鎮巨姓有燕雷石濮誌略又稱貝劉朱燕劉

濮川所聞記

卷二

九

無考貝疑卽貝瓊廷琚子翱翔相繼以薦得官然清江舊宅
在爰山南今爲菴不在鎮惟燕氏猶傳燕塲之名在鎮西北向
有麻姑菴而燕姓絕少無可考

雷氏故宅 雷氏亦無考惟市中尙傳雷家潭雷家橋之名楊誠
齋詩云余家隣並雷義宅是也乾隆癸酉福建雷翠庭先生名
鉉視學兩浙嘗於西湖遇我鎮一人詢知濮人因言汝鎮有雷
家潭知之否此我祖氏舊居處也豈自浙遷閩宗譜所載水木
本源在此歟姑傳所聞於此

石廉使故宅 石朝用宅也桐邑志云在濮院今名顧家園是而

寺浜上又有石家場之名

雪筠齋 在幽湖之東濮欽敬之建公博學皎節棄官里居堅絕阿沙不花之聘而空齋獨善扁曰雪筠謂雪凌寒而益潔筠歷歲而彌堅也君子處世清操宜類乎此元釋新仲銘爲之記

濮家村 在梧桐橋西或云卽八宅舊宅之一至今濮氏聚族居焉人稱濮家埭村深徑僻桑竹翳然後有梅園春初花發如雪香滿竹林遊人爭往觀焉近漸廢矣

環碧堂 在幽湖之西朱顯道世家於此築堂而水周其下名之

曰環碧周伯溫題額貝清江作記按舊圖在白雲菴之南以上紀聞

濮川所聞記

卷二

十

宋濂宅 在濮院鎮梅花涇上有讀書臺

浙江通志

義人濮宗淵故宅 按邑志圖近廣福菴

江學士故宅 在鎮西明初江朝宗卜居於此有月夜清遊詩因以名集

楊長史舊宅 遼府長史楊述所居在鎮北今所稱楊家埭是

馮方伯舊宅 布政馮孜第在大街後遷桐治所稱馮家河是也中翰名敏者仍居於鎮今宅雖改建而大方伯第綽楔如故

施布政宅 在鎮北鶴息街施氏祖宅自元季始布政公實產於郡之瓶山里其後復遷於鎮以上紀聞

岳三進士宅 在岳家橋岳家兜之南三進士自通籍後遷郡城故以祖居爲舊屋俗稱舊岳

國朝康熙年其後人復歸於鎮

岳孝廉宅 在雙賢橋岳瀚字天水號浩生明崇正己卯舉人旗杆石尙存 以上家譜參紀聞

得月樓 西河徐氏宅徐端木曰荒廬歷六世矣上虞顧迴瀾先生顏其樓曰得月

啓明樓 楊恩字菊賓桐庠生與長洲待詔文徵明善題其堂曰嘉樂堂之後構樓以下待詔榻文以啓明名之後爲陳氏宅

濮川所聞記

卷二

十一

梅涇草堂 沈海鷗宅在雙賢橋卽宋景濂讀書臺遺址今廢爲

忻氏墓 以上紀聞

陳處士梓故居 在定泉橋右有定泉書舍李元繡有記 府志

濮州知州鍾子蜚宅 在義路街

禮科給事中王萊堂宅 在大有橋南街

屠觀察宅 在大街後遷陸家橋

方參軍宅 方葭園宅也在大街

寺觀

敕賜香海寺 在市中秀水界元濮鑑捨宅以建宅後有崇福積善二菴

併入寺中故原名福善寺基二十八畝正殿上右樑書建寺檀越濮鑑一力蓋造佛殿上報四恩者時至大二年歲次己酉良月辛未吉辰建造凡三十四字左樑書當寺開山比丘志浩了生謹題祝延今上皇帝皇太后齊年皇太子千秋凡二十八字趙子昂所書至元丁酉苗帥楊完者統洞獠屯據寺中猝被蹂躪明永樂癸巳鹽官法喜寺僧原體重修丁酉建天王殿庚子建大悲殿正統己未成千佛閣先是住持非正員正統中僧德琳領檄爲住持隆慶萬曆間僧文淵重修

國朝康熙十七年僧鶴峯修正殿六十二年西房僧湘南住天津海

濮川所聞記

卷二

三

光寺隨

駕避暑熱河七月二十九日奉

旨賜香海寺額臨水爲頭山門香花橋之右爲韋天殿乾隆十五年住持

涵輝募建橋之內爲二山門敬奉

敕賜香海寺額第一殿爲天王殿

後改供彌勒佛像

二曰大雄寶殿三曰千佛閣

登高眺遠可望硤石浮屠四曰大悲閣有莊親王扁曰花臺止水閣前峙兩樓東禪堂西方丈並圭山佛眉募建實康熙之丙午秋也時築基之三日有五鶴來止千佛閣故名丈室曰五鶴堂千佛閣之前東爲香積厨有銀杏樹破屋而出輪囷突兀

數百年物也今改爲客堂樹留簷外而移僧厨於其後西爲且過堂乾隆庚辰丁未改

大樓五間名曰觀樹堂主席朗聞募造正殿之前左鐘右鼓對

峙兩樓寺分七房水周四隅是名龍潭梵舍稠密規模宏整洵

名利也初建原碑久燬僅有楊長史述重修一碑立佛閣下又

有萬歷十四年馮祭酒夢徵撰重修寺碑尙未勒石有木刻存

本寺西房

僧房七曰深隱曰崇遠曰南隱曰天香曰永照曰桂軒曰隣清今

但稱爲西房爲前房爲東南爲水閣爲鐘樓爲東北惟天香之

名如舊崇遠一作從遠

濮川所聞記

卷二

寺鐘聲聞十餘里居人作息以此爲候銅凡千三百餘觔購自宣

德丙午白金百三十兩有奇見楊長史寺碑以上瑣志參紀聞

韋天亭 在梧桐鄉王母橋西舊志相沿宋武帝庚申創立明崇

正乙亥重建

國朝康熙十三年增置禪寮改亭爲菴紀聞

普明禪院 在岳家橋北宋古刹也久廢今爲岳家觀音堂紀略

淨土菴 卽化壇菴紀略云卽古松月堂在南新街南宋元間暴兵所經枕

屍遍野濮氏設壇瘞之故名元至正間濮允中以菴宇逼窄延

高僧琦楚石講經說法規制聿恢遂成名刹明時住持綽菴大

淵先後鼎葺正德丁卯釋廣源譔重修碑記止詳濮氏修建而不入化壇者時方奉禁焚屍大淵欲潔淨菴左而諱言之也碑爲項襄毅公篆額嗣後屢經募修遂以化壇楓冷標額山門左有濮氏祠右有陸氏祠附記一云淨土菴宣和中惠宗禪師創造宋末燬廢元濮明之復之因置化壇於旁以上紀聞

祭壇菴 在大全橋東

紀略

三教院 一名三教堂在鎮北靈宿鄉宋慶元五年有陸尙書德輿碑記蹟志三教菴宋嘉定間智明禪師依檀越張德明結菴扁曰三教堂宋時碑記尙存明萬歷間福善寺崇遠房僧文淵爲

濮川所聞記

卷二

西

楞嚴寺監院與請大藏賜紫衣與姚羅浮馮具區陸五臺袁了凡李臨川馮原泉賀道惺諸先生善刺史心涵包公會請入菴遂爲此菴中興之祖天啓壬戌孝廉姚若麓請於秀邑令湯公齊爲之記紀聞

翔雲觀 向名元明觀與香海寺相並亦秀水界元濮鑑分宅之左偏而建也止東西二房基九畝三分前殿供真武當時覆蓋皆琉璃瓦兩廡塑諸天元統中濮允中又建三清閣於殿後閣下側櫟右書大檀越承事郎前兩淮都轉運使司新興鹽場司令濮也先不花同室宜人陳氏男彥仁家屬等鼎建左書大元

元統乙亥歲八月壬午吉辰通示明素清淨法師嘉興路元明
觀住持提點鄒道寧謹題閣上兩肩樑大書三清垂教繼元明
太上之宗風萬聖朝元慶盛世昇平之化日閣後有翔雲石楊
鐵崖因扁其山門曰翔雲勝境元末僅存一閣明景泰時復葺
楊諫議青記其事尋亦燬萬歷辛巳馮方伯孜重修見秀邑令
李培記文未上石今惟天王殿有岳通政駿聲碑記係述其贈
公岳松巖捐修山門殿閣而未詳其繕葺年月

國朝康熙二十九年程廣文士樞捐修三清閣其三清寶閣三元寶

殿兩額仍董文敏書乾隆三十八年里人創一釐會又募施鳩

濮川所聞記 卷二

五

工於四十一年重整正殿添設戲臺神像及真武行宮財神九

天等殿建文昌閣 紀聞

一釐會係機戶賣綢一疋綢行與接收合捐用錢一文勸著綢
每疋合捐二文有司事者公同經理其所買綢數有煉坊簿籍
可稽萬無遺漏觀工之外凡遇寺廟工作至今無不取給於是

瑣按仲改庵重修福善寺大殿碑記鎮中綢行接領輩各許每綢一疋
捐資一釐則一釐始於康熙五年鄭世元竹枝詞所謂一釐頭是也

福壽禪寺 在市西梧桐橋元皇慶中有女濮氏出家為古心禪

師獨力建造請額於朝敕賜今名禪師富而不嫁建寺焚修後
嘗出主廣福寺既卒分葬其骨之半於此曹太史鑑為作塔銘

趙文敏書明改爲僧院因東有福善寺故稱西寺基廣十畝東
西有迎龍聚鳳二橋前有香花橋門敞而峻八門數十武有殿
殿廣而崇且麗前有廊旁有廡皆稱後有毘盧寶閣極巍煥崇
正年間閣已圯壞有僧淵淨者欲新之聚其材而未遑落成

國朝順治庚子年寺爲祝融所厄閣之材並爲灰燼而址亦僅存一

廠而已康熙三十二年僧若水捐鉢資重建佛閣四十年建東

西兩廡樓房以及伽藍祖師殿周圍繞砌固以石柱樞檻綺疏

蔚然可觀其餘厨湑松寮亦咸備四十八年建彌勒殿

按仲改菴重建

福壽寺碑記云今又謀構正殿及山門棟梁椽桷次第備集後成否莫考嘉慶元年七年寺又兩遭

濮川所聞記

卷二

六

火災燬廢幾盡十四年僧明德建觀音殿十七年又建伽藍殿
預志參仲改菴碑記

福清道院 一稱西觀對翔雲而言也殘志云明之公建子澄公

舊譜所稱續建福清道院者此耳舊有趙子昂碑記燬廢後覆

埋土中明狄提點重建郡邑志俱稱元至正丙午里人狄守真

建請額爲院明洪武二十四年全真道士姚道安復建崇正間

重修 殘志參紀聞 濮鎮名山扁道孟頫題尚存

南觀 向有南觀舊圖載其故址在大街上早燬後爲民居遂無

考 紀聞

五福祠 今稱老太廟舊傳為濮氏五福祠附西觀旁東向嘉慶
年里人重建改為南向 紀聞

東嶽廟 在十錦塘北初自宋代尋燬元大德四年濮明之復建
山門毀廡悉仍宋制內有十丈旛竿望踰數里元末燬於兵僅
存一殿明成化中重修有山門戲臺行宮

國朝雍正八年設夫人像兩廡為武穆鄂都二殿乾隆癸巳重修武

穆殿後南向三楹為行宮設夫人像嘉慶年募建又鄂都殿後
南向三楹為行宮設夫人像增設戲臺嘉慶十七年募建紀略
云東嶽廟即舊靈官廟康熙年所改按趙承旨撰濮提舉墓誌

濮川所聞記

卷二

七

云又創東嶽祠則元時已有此名矣 以上紀聞參瓊志

鎮水菴 在土地廟東宋時濮氏建於舊宅之元武方以鎮壬癸

水故名在大街開地漸侵而狹香火歷五百餘年未絕 家今無

考

三官堂 在靈官橋畔未詳初始乾隆初年不戒於火殿壁盡廢

乾隆三十年重建上為文昌閣規制宏壯 紀聞

永正禪堂 在十錦塘元至正中僧志清建明崇正間古宗重建

國朝順治年一初加修後漸頽廢近復整葺 紀聞參瓊志

南涇道院 在梅涇之南元至元間里人張全真建有趙孟頫碑

康熙三十七年杜元章捐地五畝後被僧私賣鳴之官詞中稱岳展存為楹越按誌畧明之公建東嶽廟捨田百畝在蓮塘則墓誌所載疑在陸門濮鎮東嶽廟當是康熙年所改

記鮑仲孚所題南涇漁艇卽此涇也郡志及嘉邑志並載之

土地廟 在香海寺西大德橋北岸宋時濮氏與橋同建燬於元末明成化十八年重建

國朝康熙甲子重修乾隆癸亥更葺己巳建財神殿甲辰復改山門廟凡三殿後殿有直武樓誌略云明嘉靖丁未居民避倭竄徙有毀竊濮氏土地廟材者牆傾俱斃其下

鎮火菴 在大街之南北向元濮明之建於舊宅之朱雀方以鎮丙丁火故名改名天一菴數經兵燹廢復不一明成化中濮松鼎新之前山門內小殿三間舊供火神後易大士扁曰水月慈

濮川所聞記

卷二

六

觀

永福菴 在嶽廟北元濮鑑建地僻而靜極水竹之趣

朝北觀音堂 在南新街之南北向元季濮氏建

隱居菴 在渡船橋東近丁家石橋相傳爲鮑西溪隱居處向有是菴傾廢已久

國朝康熙年里人陸愛橋者葺之旋毀至乾隆庚子復建

晏公廟 在幽湖東明永樂丙申遣三寶太監鄭和出使西洋求異寶以軍士從行建晏公廟凡十布列嘉城中外此其一也

白衣觀音菴 在陸家橋東南明神廟中濮侍涇所築址臨曠野

面田掖溪殿廡山門漸增而備自漢氏創建寺觀後好善喜捨樂居檀越者復有此今稱白雲菴邑志云萬歷二十六年知縣謝諫教諭潘鸞講約其下捐俸修葺改今名

關帝廟 在大街之南北向明嘉靖九年建

國朝乾隆年重修西建文昌閣甲辰又修行宮及忠勇王殿

按魚鱗册業主鍾振

積福菴 在幽湖橋畔向惟一佛屋近增修卽元時碧月亭故址

白雀禪院 在柳岸

柳一作漫

西向明馮布政家菴也向爲女衆焚修之地凡鎮中尼菴祈晴禱雨必集於此

國朝乾隆年改爲僧院僧意誠募資重建

濮川所聞記

卷二

六

靈源菴 在鎮西明崇正間有善士黃仰椿捨基創建故里人名

黃菴

國朝乾隆四十五年濮仲垣重修

以上紀聞

戒珠菴 在韋天亭後俗名舊陸菴明嘉靖年建

賢授禪院 在鎮東北爲郡鎮往來處有橋曰好賢俗訛爲草野

橋院在橋畔明洪武初建亭以息行人萬歷己未建佛堂三楹

易亭爲菴秀水湯侯題曰賢授崇正庚辰僧幻兮駐錫繼之者

戒矛舊名草菴或作延壽仲宏道有重修記載秀水縣志

會龍菴 在會龍橋畔明建所謂會龍晚煙是也幽湖之口諸水

順治己丑癸巳間鼎新前中二進堂宇增建佛像廚房置常住田三十五畝康熙庚戌冬重建藥師堂乙卯冬又建功德林載仲宏道重修賢授禪院記

至此滙爲一漾淵深灝澗溇而後流爰建橋與菴皆名會龍

水木菴 在濮九娘橋西北明建有水木禪居之稱

國朝乾隆年菴僧募修增建佛堂

香藏菴 在洞橋之南明楊霖寰捨建

東觀音堂 在花園街今廢

水月菴 在過安橋明建

惜字菴 在靈官橋之東有僧某日掛一籃徧拾街街字紙付水

火因感居人建此菴按菴係明建今無考

沈菴 以沈居士構菴修攝故名

濮川所聞記

卷二

三

靈鷲禪寺 在會龍橋西順治丁酉年僧子安建懷璞重修

報本菴 在梧桐鄉興勝橋卽百畝園左順治十三年建以上紀聞參璞

志

指南菴 在化壇東南臨梅涇上福善寺僧佛肩題其山門曰指

南組有顧南樓太史記叢桂幽篁芬芳清美可與化壇爭勝璞

發光菴 在楊家橋南晚陸夫人項氏捨基供佛紀今名新陸略

指息菴 在西觀後紀今無考略

施菴 在西觀後

新菴 在翟家園後康熙年楊倉舒捨宅建

天香靜室 福善寺有天香山房僧某以山房雜擾另構一室於
機靈橋因曰天香靜室今廢

施王廟 在顧家浜之南地屬長水鄉俗稱四轉池

國朝乾隆年漸恢其制

寶華菴 在幽湖東北明建本僧院也今住女眾

西泠菴 在翟家園北明建 以上紀聞

梅涇菴 在化壇之南宋景濂先生讀書處向有讀書臺

關爺殿基 在寺浜北岸兩面臨流桑陰滿目 以上瑣志

梧桐橋廟 在市西向名太平菴乾隆庚子濮仲垣重建 漁艇紀聞

濮川所聞記 卷二

三

紫竹林 在西寺隔溪秀邑生呂洽捨地與戒行僧壽章募建 紀略

今無考

大悲菴 在鎮北

藥師菴 在子家橋西

古林菴 在三教堂北

集秀菴 在莊涇浜西

元壇廟 在大全橋東 以上紀略

火神廟 在濮院鎮南雍正十一年奉文每歲於六月二十三日

祭 邑志

舞雲仙觀 在水木菴左嘉慶十七年里人宋鳳標葉士杰建

以上各寺觀外又有順濟菴地藏菴在東節孝菴在祭家橋圓覺菴

在莊立關菴向各太平古蘿菴谷青菴今各西靈菴今各張菴

近黃凝香菴在周家廣福菴在大萬興菴在南油積善菴在石

橋在齊集福菴在東祈福菴在鎮慈雲菴近三梧桐菴在

在齊虹橋譚菴在東荒浜在鎮

津梁

濮家塘 鎮後運塘自萬壽山抵阜林南宋時有司廉濮氏富厚

諭令甃築以便行役至今沿塘堆阜皆壘窑燒磚處阜林抵石

濮川所聞記 卷二

三

門稱卜家塘亦然北塘帆影遂為一景

濮家堰 去鎮東北三里長生橋外地高涇淺因設是堰以為捍

障不至高鄉水竭時長安無壩杉青有閘一路諸堰亦以護閘

而不使運河洩也鎮東北皆濮氏庄田堰故濮氏所置因名濮

家堰明嘉靖中尙有堰石以識其遺基

濮院河 前後郡邑志皆不載惟李侯秀邑志稱靈宿西區有濮

院河二一長二百丈水從桐鄉縣界來下從扒灰澗出灌田二

十頃一十畝一長二百一十丈水從朱涇港來下從迎春橋出

灌田二十七頃六十三畝三分 以上紐聞

梅涇 在語兒橋外湮沒已久元皇慶中濮氏復之夾岸植梅成

林花開如雪人稱小羅浮明宋景濂讀書臺在焉邑志 梅涇機

幽湖 水從岳家墳來出迎春橋去支流環出漚為深淵幽不可

測故名幽湖元時名園四列畫船簫鼓無虛夕人因范少伯來

此謂為五湖之一者非鎮北新城西亦有幽湖

莊涇 在濮鎮渡船橋北往西之通涇也兩岸皆濮氏田自岸北

直抵濮家堰庄房不下十餘所相傳濮氏二十六庄此地獨多

涇南有莊涇浜以上紹興參殘志

十錦塘 在莊涇上由東達西里許春則桃李垂堤秋則芙蓉市

濮川所聞記 卷二 三

岸近塘皆濮氏莊房故闢此路以為勝遊府邑志 近則一望桑麻

無復昔日之舊紹興

碓坊浜 揚坊浜 皆在翔雲觀南為濮氏碓米揚米之所各計

百餘間緣浜而列便舟運也今僅存其名

新開河 自靈官橋北至迎春橋皆是明景泰中大旱濮宗淵發

米五百石募役濬河以便行舟宏治中尤旱復捐米千餘石自

南幽湖濬至運塘水得以不涸當道義而旌之

九曲 自輔弼橋東過圩漚國界橋吳越分境處也通長水抵郡

城南俗稱腹裏

梧桐涇 自鎮西達桐邑之涇地屬梧桐鄉故統稱梧桐涇

按以上水道一鎮之水利存焉舊志云古有堰置於塘北涇口因塘北地卑而涇深塘南地高而涇淺故堰以捍障運河而使上塘支流不至涸竭於時長安無壩杉青有閘江淮漕運舳舻相接達於錢塘閘以積水使常盈堰以護閘使不竭後則堰閘俱去吾里適處中壤上無須壩下無須堰川塗畝澮自相鉤連視他處似易爲力涇上田最腴三方阻水俗呼爲斛底裏然上潰下涇苦水者十之三苦旱者一之七蓋旣無大澤瀦水一遇旱魃爲虐惟資運河以灌以水車扉各涇之水又不足則相率潰川所聞記

卷二

五

以厚運河之水於涇內而分注之各區浜港稍高者竟有不到之患

永樂市河 在鎮中水自妝橋繞大街西達北橫街入廟橋河故道雖涇尙有橋址岸石在居民房內俗所稱百丈河是也

油車漚 自雷家潭東岸轉南自南而北至新橋一帶總以油車漚名之明萬歷間修葺桐城以邑之大戶分任其責楊菊賓傾捐岸石百餘丈以急公

龍潭 福善寺四周皆水西北隅曰龍潭向有是名寺僧佛眉題其寺曰龍潭福善禪林且以名其集

定泉 在鎮北定泉橋下相傳此處大旱不涸由此逕北直達運河

五道泉 在陸家橋濮氏大牆宅

洗碗池 在西觀之西有東西二池池圍三畝許為庖人洗碗處

舊志云天色清明嘗有磁盞漆盤浮漾水面得之者藏為珍奇今已就湮陸姓者居其上每掘地得窰器蓋濮氏廚房故址也

五池 府志作荷池

在翔雲觀香海寺後五池相連至今尚在元時濮

氏徧植荷花八景所稱荷塘晚風是也

西池 在定泉坊與東池相隔里許東池即五池明季嘗撈得太

濮川所聞記

卷二

三五

湖石鷹石石鼓凳欄杆等物西池已塞今為巷

連三池 近幽湖朱顯道環碧堂故址

延年井 在香海寺內僧明修開鑿里人捐資助成之蓋亭其上

顧太史南樓作記

南新街大井 濮氏所鑿有井亭以便往來取汲 以上紀聞

國界橋 草蕩即古吳越戰場有國界橋 府志

語兒橋 春秋時夫差督兵拒越此地有生子即能言者因名 府志

宋德祐中濮振垂重葺 殘志

國朝嘉慶二年重建 瑣志

北宋橋 南宋橋 俱在鎮西

棲鳳橋 在臥龍街西宋濮雲翔建 紀聞

梧桐橋 在福壽寺前宋濮雲翔建又名多福橋俗稱箍桶橋

國朝嘉慶六年仲均奉母濮氏命重建經理匠料戴文成陳爾嘉之

力居多 紀聞參張暢碑記

積慶橋 餘慶橋 廣寧橋 德慶橋 府志云在濮院鎮紀聞

云舊志所載有此四橋之名今其名盡易莫詳其處

碎金子橋 相傳為市東市河上小環橋濮氏建寺觀工已又出

餘金築此石橋頗嫌零星戲詆為碎金子橋遂沿而呼焉後廟

濮川所聞記 卷二 三

失雅因鼎新有四檀越更名四君子橋今亦無考

過安橋 在鎮西因北有棲鳳橋濮鑑以犯祖諱過之不安另建

此橋以通往來名曰過安今訛為固安或作顧安 以上紀聞

大有橋 濮鑑建

大積橋 濮鑑建俗呼新橋 以上府志

國朝乾隆四十四年里人陳宗重建

大德橋 濮鑑建俗呼廟橋 府志 橋製甚佳而古或即積慶德慶之

故歟以上三橋皆濮氏所建以通永樂市 紀聞

渡船橋 因渡船滙而名之也元至元間濮氏築庄滙東故易木

橋爲石橋後里人重修改大全橋而俗尙仍渡船之名所謂渡船漁市是也紀聞

朝陽橋 在大有橋西元季濮氏建紀舊說地有梧桐極高大後周時鳳凰常集其上故鄉名梧桐而橋皆以是取義焉

國朝乾隆年重建嘉慶年又建瑣志

石家墳橋 在鎮西卽餘慶橋元石廉使葬此故名俗訛稱石蟹墳橋

國朝乾隆四十五年濮仲垣重建嘉慶十八年里人重修漁艇紀聞

平橋 平橋有二在香海寺東曰西平在翔雲觀東曰東平平分

濮川所聞記 卷二

二勝故名今東平止存橋址府志

雙賢橋 在鎮南元濮樂間旣築桐香室於橋左延楊鐵崖宋景濂課業其中并以名橋岳石梁記其祖墓訛爲桑園

唐夫人橋 在王母橋南百餘步明濮彥仁妾龐氏唐氏雙節塚在焉傾圮已久兩岸惟存橋石以上紀聞

濮九娘橋 在十錦塘西九娘早寡克勤積而能散垂暮傾儲以建此橋里人義之而相呼也殘志參紀聞

梅涇橋 在梅涇有菴卽宋景濂讀書處

思家橋 在濮氏幽湖宅西宅據湖之勝明初遷後繫思奉詔還

里建橋曰思家志慰也

以上紀聞

鳴鳳橋 在鎮西此地向無橋基行者苦之濮愛川捐資鼎建里

人義焉按鳴鳳橋近西油車橋故俗呼大油車橋

會龍橋 亦稱長木橋李懋華建 以上漁艇紀聞

國朝乾隆年其孫贛州守李莪村重建上可望袞石山頂浮屠 瑛志

聚星橋 在梅涇上里人陸星聚建

陸家橋 在仁和坊里人張氏重建 以上紀聞

迎鳳橋 本木橋今改爲石橋 紀略亦名揭坊橋 紀聞陳瑛重建

靈官橋 在十鋪塘乾隆年重建

濮川所聞記

卷二

三

懷蔭橋 向名金家木橋在鎮西乾隆年陳瑛重建

迎龍橋 在西寺前乾隆甲寅年仲均重建

定泉橋 在鎮北乾隆六十年重建

聚鳳橋 在西寺前嘉慶壬戌仲均重建

西成橋 在西河嘉慶八年重建

王母橋 一作黃蕨 在鎮西嘉慶十八年仲垠重建

蘆塘橋 在鎮西嘉慶十八年陳兆麟重建改名善慶

登瀛橋 在皂林李懋華獨力創建

大通橋 一名陡門橋明嘉靖中濮文貴建 府志

圓滿橋 在陡門塘北濮文貴立願建十二橋此為最後故名府志

以上三橋離鎮已遠因鎮人所建故記之

紀略云一鎮之橋六十餘條所載尚有迎春橋 觀音橋 丁

家石橋 遊橋 阮家橋 好賢橋俗稱草鞋橋 輔弼橋一大一小

昇平橋 北油車橋 東油車橋 萬安橋在莊 余家橋

姜郎中橋 橫板橋 眾安橋 姚家橋 幽湖橋 以上屬

零宿鄉 粧橋 洞橋 譚家橋 萬興橋 永豐橋 王家

橋 俞家橋 雙亭子橋 西油車橋 楚西橋 杏林橋俗稱

雷家橋 以上屬梧桐鄉 秀桐橋 楊家橋 以上跨川界秀

濮川所開記 卷二 完

桐二邑

紀聞云鎮上橋如前所紀外如張家橋近西 太平橋在北河 之類

其創建之始俱不可考至於鎮之四隅散建村落者未易枚舉

北柵 鎮四隅各有水柵向以禦暴承平日久惟各水口橋下設

橫木而已

國朝乾隆丙午里人追復舊制北河植椿添設柵房募人啓閉紀聞

坊表

濮院坊 市北濮氏正宅之門坊也舊圖在福善寺之東翔雲觀

之西

國初猶有石柱存焉按宋少宰濮斗南告歸理宗賜其地曰濮院因建大坊以標其盛此濮院之名所自始元末與宅俱燬

元帥坊 在鎮北定泉橋左今無考

貞節坊 在市中明洪武二十一年爲濮宗海妻劉節婦立今廢

貞節坊 在朴樹灣洪武二十六年爲濮貴一妻劉氏立今廢

朴樹灣按圖當在今大街東

旌表亭 在朴樹灣貞節坊右亦爲濮貴一妻劉氏立嘉靖中倭

寇焚民房亭燬

解元坊 爲永樂癸卯科解元楊述立 在北橫街俗稱楊家牌樓

濮川所聞記

卷二

三

今廢

父子聯芳坊 景泰元年爲楊述楊青立 桐邑志在鎮今無考述

爲明代開國解元青爲桐鄉開邑科甲俱出吾鎮並萃一門誠

盛事也

人和坊 在白雲兜明萬歷間桐邑令胡舜允命名濮襄甫稱其

父侍涇語曰予雖草野散人蒙桐令胡公許予謹約錫桑與梓

曰人和曾築草軒內供大士公顏其軒曰鄉約所

浙右名山坊 在福善寺西巷門對水步西向正統戊辰立

江南福地坊 在福善寺南向亦正統戊辰建後寺僧鶴峯修牌

樓去其額旋廢 以上紀聞

坤貞風世坊 在雙賢橋乾隆二十八年為沈元雄妻嚴氏立

節孝流芳坊 在十錦塘乾隆五十四年為王本晉妻陳氏立

節孝流芳坊 在十錦塘嘉慶七年為劉鑑妻李氏立 以上瑣志

為鎮人建坊 凡坊在城市人由濮鎮實吾里光也因併志之以備稽考

飛騰坊 在募化鄉成化二年為舉人鍾鏞立

貞節坊 在縣治西街萬歷壬子年為馮倫妻張氏立

黃甲聯芳坊 為楊青趙讓沈繼志錢貢鍾繼元李樂馮孜立

三錫誥命坊 在服德街萬歷壬子為馮倫誥贈立

濮川所聞記 卷二

三

進士坊 在新興街景泰二年為楊青立

貞烈坊 萬歷癸巳為鮑文化妻濮氏立乾隆癸巳年修 以上在桐鄉城

進士坊 為萬歷癸未科立內樂元聲鎮人

貞元際運坊 為嘉靖甲子科舉人立內有馮孜

魁元獨盛坊 為萬歷壬午科舉人立內有樂元聲

壬辰進士坊 為萬歷壬辰科立內有樂和聲施爾志

進士坊 為隆慶戊辰科立內有馮孜

賢書際盛坊 為萬歷辛卯科舉人立內有樂和聲 府志云舊為明時英俊

二十八宿坊 為萬歷丙子科舉人立內有陸堦施爾志

別有洞天坊 爲朱綬立

連枝啓秀坊 羣鳳鳴陽坊 爲岳元聲岳和聲岳駿聲立以上紀開

旌善亭 嘉靖中濮文貴獨建大通橋卽陡門塘橋一方德之合

邑舉良善有司錫冠帶勒石於郡治之旌善亭誌略以上建於郡城

解元坊 爲元延祐丁巳俞鎮天歷庚午吳琪元統乙亥鮑恂明

永樂癸卯楊述萬歷丙子朱用光建於石門

節孝流芳坊 乾隆四十一年爲黃履全妻顏氏立

節孝流芳坊 乾隆四十二年爲濮采三妻李氏立

貞烈坊 乾隆四十二年爲曹甸繼妻徐氏立

濮川所聞記 卷二 三

貞節流芳坊 乾隆四十四年爲陳宗妻濮氏立

節孝流芳坊 乾隆四十六年爲濮炎妻沈氏立

節孝流芳坊 乾隆四十八年爲鍾墳妻阮氏立

節孝流芳坊 乾隆四十九年爲曹瑾妻張氏立

節孝流芳坊 乾隆五十三年爲楊庭堅妻王氏立以上在正家橋塘東

節孝流芳坊 嘉慶二年爲楊士發妻項氏立在陡門官塘以上瑣志

坊巷

舊坊名 福地樹德衆安花園零東莊涇人和南河定泉鶴棲西河

又有青龍忠義杏 按樹德即翔雲西河卽鳳棲大街卽忠義雷

林義和太平五坊 家即杏林

今坊名

本境東河零東花園泉安翔雲福地寺後人和仁和凡十而零東寺後又分爲二皆屬秀水南新洞橋固安西河南河永安鳳棲地字凡八皆屬桐邑蓋本境卽莊涇定泉鶴棲歸鳳棲義路歸西河大街雷家嚴滙歸地字集慶歸洞橋

梧桐里 鎮西梧桐橋以北環福壽禪寺皆濮氏族雲翔公擇居

梧桐里卽其處 誌略

西河庄 厨房帶 在鎮西皆濮氏遺蹟

庖厨街 在陶家橋北

颺榨頭 在萬興橋西南濮氏釀酒處濮明遠云旨酒雖饒莫效

晉周伯仁百日醉止三日醒

墩頭上 在南新街西市房稍北又有稱水架頭者總爲濮氏厨

濮川所聞記

卷二

三

房故址也

太平巷 本福善寺西出正道闔鎮織工拽工每晨集此以待雇

花園街 以濮元帥園得名

大街 卽永樂市元時濮氏立四大牙行收買土絹以待四方客

販濮紬之名遂著

南新街 明時屢舉佑聖會在三月三日祈年於元帝也天啓間

中止坊內居民樂輸斃石廣長平坦整然一新相傳佑聖會碎

剪錦綺飾以金玉窮極人間之巧靡費數千金

化壇街 由南新街至化壇菴有街半在田間

國朝里人重修有記在巷內

石條街 自泉安橋南至陸家橋今稱漢家場者即大牆漢故址

也街甚長乾隆乙巳里人戴陳瑛重修

大衢 在西觀後一作大旗

西河石路 自梧桐橋而東千餘步嘉慶辛酉里人重修沿岸徧

植桃柳旋被漁人折盡

按吾鎮街巷如南橫北橫廟橋義路元時已著名外其餘命名

有曰臥龍曰集慶曰鶴樓曰柳岸一作樓岸曰語兒曰橫屋曰蠟作

曰大有曰東新曰寺街曰觀街又有雷家潭王家灣歸家灣巖

漢川所聞記 卷二

三

家滙周家場周家灣固安街之類皆屬通衢其餘小巷甚多

國朝乾隆年里人各自修整皆如砥矢

以上紀聞參瓊志

園圃

濮元帥園 在翔雲觀後元帥名銑濮扶垂子至大中迪功郎秦

定間復起為元帥北征還建以自娛雪廬和尚贈以詩今已久

廢而花園街之名不改

濮司令園 在幽湖西岸山礪樓臺無不雅潔元時為幽湖之勝

觀有蛇蟠石見黃玠詩朱竹垞以為即今徐太僕祠舞蛟石也

白雲菴東尚稱東園門疑因此

叢桂園 在定泉橋左亦濮司令築栽桂千株與魏塘顧阿瑛海棠園爭勝

百畝園 在鎮南越茂橋西

一作雅茂橋俗稱野貓橋

四面環水濮氏盛時之

菜園也使臧獲數人更翻主之園以茂林供給春筍町畦畝路徧植蔬果終歲無缺今雖分屬雜姓而百畝園之名不改

小桃源 在幽湖東北

鍾家園 在北河相傳有老梅樹一枝爲前明俞園故物歷二百餘年俞氏莫考梅亦無人知賞里人有見之歌詠者今荒陂野渚間并老梅亦不可見而鍾園之名尙存

濮川所聞記

卷二

三五

劉園 在莊涇之南有池畝許池上有亭榭周池塘有石坡每數步隆起有峯巖之致書屋錯置花廳屹如蓋劉別駕所葺也

馮園 在方伯宅後文學開甫所葺也池塘臺榭制度宏敞飛樓湧閣竹木蔚然

王園 在南新街外軒閣亭臺規地繡錯鑿池種竹名流雅集一時之勝云

楊園 在莊涇之上園中多梅間植他卉池塘書屋結構雖不甚大而竹木週遭槿籬常著紅花西偏則圍以黃石牆已臨田野每從田野望之黃牆一帶掩覆叢篁常有伊唔聲徹牆外昔鮑

仲孚有林墅書聲題彷彿似之

劉園 在吳涇之東文學明徵之所築也兩面臨流西面鑿一池與外流隔一岸又如三面臨流矣南面竹徑相夾而甚紆入徑中者如在山谿間隔流有圃多植梅以一小橋接之曰東園西園有西府海棠一本大數圍枝揚數仞從數里外望之輒見紅樹一叢

趙家池 在王園之南池廣於園故以池名沈文學臨池讀書以白蓮種池中歷歲彌盛鎮上談蓮者恒屈指趙家云

勺園 園中有池故以勺名言小也構書屋於其上每一處輒數楹旁地多植嘉果吳選部之別業也

劉園 在吳涇之西多植橙橘間以梅桂竹林臨流大是佳境橘有菰林一種味美而無核俗呼塘西橘是也此種屬菰林土宜移植輒變而此園獨不異菰林亦一奇也

陳園 在翔雲觀後竹木護其後池塘漾於前中構書屋錯置花屏陳文學嘗讀書其中

陸園 有二詩人咏陸園者甚多傳聞園中梨花最盛
南園 係牌樓下沈故址

曹家園 在長木橋東

趙家園 朱家園 徐家園 以上昔爲里右園池今盡析爲民
居然其名不廢民居每一園爲一圈多至百家少亦不下數十
家

漱芳園 在化壇巷西處士李懋華建仲改菴有八景詩

甌香圃 仲改菴建在石條街東今廢人稱其地爲仲家園吳江
徐崧題曰甌香圃在梅涇仲改菴別墅也仲子四十筮仕五十
歸田卽築圃於池上布衣疏食讀書其中日與友朋賦詩倡和
自耆艾以迄大耋未嘗輟筆墨之樂一畝方塘千竿修竹意豁
如也有甌香圃八種書行於世

濮川所聞記

卷二

三

顧家園 在鎮西北

狄家園 在寺後坊狄爲鎮巨姓卽建西觀者

孟家園 在衆安橋東

東荒小圃 在長木橋東施翼聖別業俗呼東瓜浜

菜畦 在固安橋西周緩菴別業

莊家園 莊蜨菴家小園有海棠二樹

國朝康熙年諸名上多見諸題咏 以上紀聞

菊圃 在梅涇南濮文象築孝廉濮仲宣有詩 誌略

也莊 在濮九娘橋北沈氏瑩也有永思亭爲節婦沈廷聘妻夏

氏建松竹陰森有釣魚臺每遇春花盛開遊人往來不絕觴咏極多

恂慈居 在集秀菴後方參軍蒞園別墅

愛石園 在梅涇南周蔭棠得朱竹垞太史園石築園於宅旁梅里李集爲之記有樵李一株

不浪舟 在譚家橋北鍾曉滄別業陳古銘有詩

東楊家田 自語兒橋南至立關菴桐鄉縣二十九都三圖百畝有零明楊小峯之故業也田畔屋數十間今稱橫屋者是

西楊家田 自洞橋南至化壇菴前後左右皆是俗稱西田畔是濮川所聞記

卷二

三

也 以上紀聞參續志

祠墓

永安祠 卽鎮火菴在大街南北向明成化中濮松鼎新之太士殿後建閣三間供宋元明三朝濮氏祖主於其中崇正丁丑有嫌鎮火爲鎮中之火乘而圖之者同族哄然控於當道時郡伯鄭公瑄桐邑盧侯國柱奉直指喬使君檄臨勘鼎持判稱先賢祠宇誰得借端佔毀斷令濮氏飭新奉祖更名天一菴仍於扁旁備列濮裔姓名以昭示來茲毋致湮沒致啓攘端維時戮力相持者子衿則有濮維坤濮侶莊濮萬鎔濮萬錄濮夢錫濮之

葦濮鏐濮琦濮整濮允成尚仍周姓濮雲驤濮雲鴻濮瑞琪濮士衡

濮泓濮溶濮業灑尚仍朱姓布衣則有濮守道濮希賢濮國輔濮國

佐濮名宰濮名相濮道載濮世培濮大順濮名鏐濮光奎濮光華濮光曜濮澍濮霑等不下二百餘人云

郡侯鄭瑄鴻遠復永安祠公案云勘得普潤之佐永安祠乃濮氏之家廟也鎮以濮院名政以濮氏之先有濮振濮鑑者爲宋元兩朝人及披全志讀趙孟頫墓碑俱載有永安祠迨至國朝易姓改物而此祠巍然無恙正以濮姓子孫繁昌亢宗無容移易也當高皇帝辛卯歲則有永安祠扁額世廟辛丑年則有水

濮川所聞記

卷二

三

月慈觀扁額而鎮火巷一扁則自元迄茲所從來舊矣此祠世以宗子掌管完糧先時濮名鏐父文昇以生員董祠事廟貌儼然扁額如故昇隨早逝鏐以藐爾諸孤駒齒未脫雖有食牛氣然乳臭何知潤乘其孤子而欺其綿力不能制也輒弁髦其孤招集異姓援引爲非濮澍之訟亦迫於不得已乎潤又不自悔禍且恃其富力將先賢神位塑像木主藏滅無迹控稟本府易以天一庵之額蓋欲吞濮氏之孤故滅先賢之祀也及審潤無別詞止言有大力者主之亦不報其姓名想必有聲勢者作之備而不敢輕言其故耳今斷潤將先賢神主塑像扁額一一還

其故地併潤師所遺鐘鼓什物交單清查付澍令報老僧有戒行者主其事潤應逐出不容復居祠內恐後別生變異大爲孤

嫠之害也

以上紀聞參殘志誌畧

按魚鱗冊鎮火庵基地四分七釐一毫坐落二十九都十一圖辦糧二十九都十七圖業主濮阿秀

明嘉靖丁未盜發濮氏塋實無所獲聞者謬以爲有獲也互攬而戮其一門人稱祖先之靈赫云後崇正丁丑有謀據永安祠卽鎮火菴者每見祠中冠帶緋衣屹然山立猶未知省至輿訟詞憑藉某孝廉爲輿援轉相句引以脅郡侯鄭鴻達公公不爲動祠得復故訟已未及半載孝廉三子俱斃尋亦自斃年僅四十可畏哉

誌畧

濮川所聞記

卷二

四

輔氏祠 宋輔達慶源人南渡家桐邑永新向屬崇德輔廣其子也有祠在鎮之西其子孫尙存

世宦祠 在幽湖南宋氏家廟也祀宋元明及

國朝之通籍者故稱世宦按祠內木主祀宋朱勝非朱智元朱清朱

釗朱虎

一作虛

朱完朱暘谷朱大德明朱大迥朱大遠朱得全朱

得良朱璠朱璿朱綬朱萬里朱萬國朱治貞朱治經朱治憫

國朝朱治恬朱日昇朱鳴吉朱克孝朱克綬朱光國

陸公祠 在鎮北新陸菴公名堦孝友清介爲石埭縣令有惠政

無子公舉於鄉得崇祀而祠中肖公像及夫人項氏像蓋此菴

檀越也

程氏祠 在翔雲觀後廣文程士樞宗祠也今廢

李氏祠 卽漱芳園李懋華肖像其中祠凡三楹前有石坊以上紀聞

王氏祠 在橫屋南候補布政司理問王昌裔宗祠也

曹氏祠 在西河周家場廣文曹焯宗祠也

鍾氏祠 在小桃源文學鍾振民宗祠也

方氏祠 在官街口朝陽廟北參軍方學沆宗祠也

高氏祠 在香海寺西街孝廉高亮宗祠也

濮氏祠 在化壇巷左

濮川所聞記 卷二

聖

國朝康熙年 贈文林郎濮詣淵同弟詣潢詣泖建乾隆庚子年詣

淵元孫貢生仲垣重建 以上漁艇紀聞

陸氏祠有二 一在化壇庵右德平知縣陸震宗祠也 一在洞橋北上舍陸冠時宗祠也

朱氏祠 有二俱在南宋橋舊祠明宣德六年建新祠建於

國朝嘉慶元年

按宗祠之立所係甚鉅而吾里獨寥寥則宗譜不講之故大約有譜之家十之一二而有祠之家千百之一二非有力者不能辦且無以善其後也姑述所見聞以爲勸祠法當自譜法始矣

以上紀聞

宋濮郡馬墓

濮奉鑑為濮鳳元孫宋淳熙中選入安王府為郡

馬墳在今唐夫人橋紀在石家墳橋西鄉人相傳為駙馬墳云

邑按鎮西有南宋橋相傳鄉人鋤地掘得濮駙馬墓碑而舊志

絕不載駙馬墓所在姑識此以俟考紀方參軍莖園曰有郡人

買地於唐夫人橋將卜葬掘地得濮駙馬墓碑而止

濮侍郎墓 宋吏部侍郎濮斗南為濮鳳六世孫墓在梧桐鄉之

五都此地舊墳書識濮公墓甚多皆從古墓附及者紀

張氏墓 宋張德明先生葬塌坊浜今積土漸如小山矣紀

輔知州墓 在經堂橋屬桐鄉宋泰州知州輔遠墓明崇正間有

濮川所聞記 卷二 三

欲侵奪者其裔孫訟於官至今得稱古墓按烏青文獻載永新

鄉有先儒輔慶源墓則誤達為廣矣蓋因慶源輔氏而誤廣墓

自在桐治西

元濮提舉祖墓 在嶽廟後

濮提舉墓 在福壽寺西濮鑑仕元為提舉延祐庚申十二月葬

於祖塋之旁趙子昂撰墓誌

石家墳 元廉使石朝用墓在鎮西石家墳橋今名餘慶橋

沈明夫墓紀略作沈萬一 沈景旻原名鴻字明夫元至大初年葬於鎮

之北柵楊家橋沈氏家譜至今子姓甚繁

宣義王瑋墓 在梧桐鄉見喜村

墓舊志入宋府志據浙江通志改見喜一作見善

古心女禪師半墓 在福壽寺中師姓濮名文鑑生梧桐橋北年

十四喪父出家爲中峯大師第一弟子曾主廣福寺繼又建福

壽寺臨終諭衆尼曰可分我骨半葬廣福半葬福壽太史曹鑑

爲作塔銘趙子昂書

以上紀開

徵士鮑恂墓 在千金鄉

府志

明雙節塚 在唐夫人橋永樂初籍濮彥仁家官收其產彥仁妾

唐氏龐氏俱濮院鎮人義不辱遂自經死合葬於此貝瓊有詩

濮川所聞記

卷二

三

紀其事

劉氏墓 在吳涇之東北墳木陰森延數畝許中更多植木樺里

人賞桂者輒至其處累歲攀折不盡

夏墓 與劉墓相左右亦有桂資里人採摘

項墳 在吳涇西北隅

楊解元墓 在鎮北楊家橋葬明遼府長史楊述其子河南按察

使僉憲青祔焉石馬及碑尙存碑天順四年九月四日詔誥之

文及景泰六年遼王遣祭文曰嗚呼爾拜上命來輔我國殫爾

心思展爾才力我言爾聽爾行我悅孰云一旦遽逝如奪訃音

爾嗣道里遠長茲爾親屬來迎爾喪妥爾神靈返爾故鄉屆行
伊邇遺奠一觴尚饗

楊墓 在西觀後大旗村之西旗一作衢不起墳築三和土於地下三和

一作珊瑚後有欲掘以爲田者堅不可鑿而止

馮墓 在集秀菴西爲馮方伯孜祖父兩世墓也方伯父倫早世
母張太孺人以節孝著堪輿家以爲此吉地也

施墓 與翟墓馮墓相前後孝廉施有恒祖塋也

馮墓 在零東坊之東南

三角墳 一作三柳墳 在會龍漾之上相傳古墓莫考其姓

濮川所聞記 卷二 四

施墓 江西布政施爾志父乾墓在鎮西北

濮汝陽墓 在鎮西俗呼奶娘墳

燕家墓 在長生菴之右按長生菴在余家橋久廢

張氏墓 在歸家灣東北歸一作居

党太尉墓 梅涇之東爲劉氏墓附近有石表稱党太尉墓舊志
無考里人猶有稱党將軍者今石表已不可問恐遂湮沒存所
聞以俟訪

王總管墳 在長水鄉圩漚之南墓址墳起數丈延亘數畝莫詳
其名惟郡西門有王總管廟稱其死高田賊難祠旌忠廟

朱長史墓 楚府長史朱綬墓在幽湖東

石埭縣知縣陸公墓 在楊家橋西范家浜卽吉菴先生及其夫

人項氏墓也後人有發之者遇蛇虺而止今墓木雖斬伐無遺

而孤塚尚存 以上紀聞

殉難靈壁縣丞金夢麟墓 在金家木橋 紀略

孝子毛文燿墓 近延壽菴

節婦胡雷妾沈氏墓 近姜家石橋 以上二墓載邑志圖

湖廣布政使馮孜墓 在千金鄉屠甸寺南 府志

歙縣二尹濮樂靜墓 在梧桐鄉鳴鳳橋左良玉西郊近泉東川

濮川所聞記 卷二 五

愛川諸公附焉

濮忠字墓 在鴛鴦浜北盛氏分葬宣家橋右

濮賓廷墓 在梧桐橋西鴛鴦浜子思庭附 以上三墓載舊圖一

濮文海墓 在郡西永一都東荒字圩之鋤頭廟與金氏房廿五相

並侵削已久墓道僅存數丈內有古樹一株高數十尺大如盤圍

天矯離奇亦近所罕見者 家乘

廣東提舉司岳貴一墓 按貴一號超隱宋鄂國忠武王八世孫

墓在嘉興縣長西南十三庄舊屋之北

誥封資政大夫兵部尚書岳商墓 在闌杆橋東

誥授資政大夫贈刑部尚書岳駿聲墓 在舊屋東特旨諭葬以上

家譜

沈墓 在王母橋有大松一株枝葉半疎半密俗呼鴛鴦松

羅法師墓 在翔雲觀後

吳肖仙墓 在余家橋南 以上紀略

國朝顧南樓太史祖墓 在濮九娘橋西北

贈中憲大夫屠永貞墓 在千金鄉白兔橋子貴州按察使嘉正

孫 封教諭洪緒祔葬諸錦撰墓誌 府志

顧封君墓 在南宋橋

濮川所聞記 卷二

沈處士海鷗墓 在雙賢橋

詩人濮澹軒墓 在唐夫人橋

沈處士堯咨墓 在雙賢橋 以上紀略

范癡墓 在晏公廟旁今廢

道士墳 在小金菴前

知縣仲改菴墓 在唐夫人橋

孝女張惜惜墓 近指南菴

茅烈婦墓 近西成橋 以上二墓載邑志圖

誥封奉直大夫楊謙益墓 在馬家橋

同知楊栗齋墓 在馬家橋

誥封中憲大夫沈維章墓 在永新港 以上瑣志

敕贈文林郎濮瑞源墓 雲翔公二十二世孫墓在鎮東圩滙經

塘浜大通橋俗稱墳後橋子 贈文林郎候補州同知經在耐

吳烈婦墓 烈婦幽湖人墓在陡門塘南乾隆三十一年郡中仁

親葬會售地葬之表曰烈婦云

濮駕凡墓 在官街口朝陽廟北子平鄉知縣武姚曾孫太學生

字寧耐

考授州同知濮長民墓 在梧桐橋西駕駕浜子考授州同知行

濮川所聞記

卷二

四

先祠焉墓西數十步其孫貢生山儲墓 以上漁艇紀聞

吏部主事 贈山東督糧道汪孟銷墓 在梧桐鄉 邑志

濮南周墓 在鎮西大板橋西紅小廟浜妻節孝沈氏合葬

濮恂九墓 在鎮北茅家渡北水石橋子奕芳純夫祠

誥贈朝議大夫濮珠巖墓 在梅里

歲貢生濮北三墓 在大板橋西紅小廟浜子電飛耐

孝義鍾來霞墓 在曹家園

參軍方菴園墓 在官街口朝陽廟北

太學生濮珊園墓 在東荒浜 俗名東瓜浜

光祿寺少卿沈華坪墓 在鎮東丁家石橋 以上漁艇紀聞

四川樂至縣知縣吳葵園墓 在地原圩延壽橋俗名陳麥絲橋

知府李莪村墓 在

廣西灌陽縣知縣濮玉巖墓 在

僧一初塔 在永正禪院 紀略

化壇 在鎮南桐鄉縣界宋元相代間暴兵所經枕屍遍野濮氏

設此壇以化無主之骸元鮮于樞有帛濮氏化壇詩地本有菴

名淨土後即以化壇名之

祭壇 在渡船壩京秀水縣界濮氏設化壇後又設此壇每歲清

濮川所聞記 卷二 哭

明中元十月朔必延戒行高僧禮懺舉祭桐邑志云鄉厲壇每

鄉立一壇以祭無祀鬼神今濮鎮有祭壇故址

按古墓亟宜表章濮川古墓甚少其在鄉村者又易湮沒即如

楊長史墓郡邑志皆載彰彰可考且近在北河石馬碑跌尙留

荒垆而閒棺纍纍竟同無主廢塋一旦碑馬俱湮誰復過而問

乎聞長史公子青無後而其族猶振有志之士宜為修復也 以上

紀聞

古蹟

樵李城 春秋定公十四年越敗吳於樵李杜預注曰樵李吳郡

嘉興縣南有醉里城公羊傳作醉李漢書地理志云由拳縣柴
辟故就李鄉吳越戰地應邵曰古之檣李也越絕書作李鄉又
曰更就李爲語兒鄉水經則曰辟塞亦曰柴辟亭馮具區郡志
參考云濮院卽古檣李墟有濮元帥別業在焉湯昆陵嘉邑志
稱檣李城去夾谷一十五里桐邑志云檣里故城在今濮院西
南郡志云府治西南四十五里舊經云城高二丈厚一丈五尺
宋黃省曾檣李城讚序則云在郡治西南三十里本覺寺南距
濮堰北倚新城據此在鎮之東北矣寺中有東坡三過堂昔人
題曰檣李遺踪

濮川所聞記

卷二

四

按檣李自漢以前未有城名漢地理志但曰鄉曰戰地而已晉
杜預注始曰醉里城而係於嘉興縣南後人核其所在亦約略
之詞耳至檣李之地所該甚廣故自唐以來咏檣李故蹟者皆
就一郡大概言之原非指一處也城已久湮無從考核故址姑
列序前人所述以爲古蹟之首至以今之郡城爲檣李城則非
矣

檣李亭 在梅涇西四里向有草菴相傳此名

按檣李亭前人吟咏甚多亭在本覺寺而鎮亦有是名者蓋均
屬檣李皆得以此名之猶檣李橋之類耳

柴辟亭 在樵李城西越絕書云語兒鄉故越界名曰就李吳疆越地以爲戰地至於柴辟亭又云柴辟亭到語兒就李吳侵以爲戰地

辟塞渡 在柴辟亭西亦吳越時渡名辟塞者吳備候塞也

南長營 在樵李城西南隅

烽火樓 在南長營東

長水 在鎮東南秦始皇東遊聞土人謠云水市出天子從此過見人乘舟交易應其謠遂發卒掘汙其地謂之囚倦亦曰由拳按春秋時長水縣秦改爲由拳縣

濮川所聞記

卷二

辛

語兒亭

郡志作
女兒亭

在濮院梅涇今語兒橋左越王夫人入吳產女

於此三年歸國女已能言故建此亭宋德祐中濮振垂重建并葺其橋又云濮氏嫁女涇東特築是橋以利往來故稱娜兒橋鄉人呼女爲娜云

按語兒亭卽越絕書所云女陽亭也句踐入宦於吳夫人從道產女於此亭養於李鄉句踐勝吳更名女陽更就李爲語兒鄉張元成秀邑志云三國吳黃武六年正月獲彭綺是歲由拳鄉有產兒墮地卽能作語曰天明河欲清腳折金乃生因詔爲語兒鄉朱逢吉云夫差督兵拒越時溪人有生子能言者而吳兵

適勝遂命名語兒鄉嘉邑志又有西施同范蠡三年達吳生女之說前人已辨其非所謂語兒當是禦兒之誤國語句踐之地北至禦兒鎮本屬崇德宜有是稱

以上紀聞

又按嘉興府新志引太平寰宇記云越國西北至禦兒與吳分界史記正義禦字今作語語兒鄉在嘉興縣南七十里

瑣志

又按石門語兒中涇一名語溪今所稱沙渚塘是也唐乾符中石經幢亦曰嘉興縣語兒鄉在今崇德縣東郭下故凡詠語溪者多指石門獨唐徐凝語兒見月一絕有經過草市憶西施之句則吾鎮之稱語兒有自來矣

濮川所聞記

卷二

五

范蠡塢 在幽湖南有藏兵塢等蹟舊經云塢水陂也在顧村范蠡曾遊於此府圖經云卽古檣李墟也桐邑志云在濮鎮相傳少伯泛湖同西子過此卽今幽湖一帶俱是

按濮川殘志云范蠡湖在幽湖南曲少伯功成後載西施出五湖以居此舊所傳檣李城南是也故西子粧樓胭脂滙俱在其地後人誤以郡城爲檣李城因誤以城南金明寺湖爲范蠡湖且佛閣下象笏緋袍遺像實宋丞相史彌遠也開熙中丞相構地居醫僧壽萬王於此故遺此像并誤以爲范相國像矣據此說是湖亦在鎮不在郡也

以上紀聞

吳越戰場 一在長水鄉俗呼南蕩 一在九里港俗呼北蕩二蕩
相隔一溪溪上有國界橋

洗足灘 在范蠡塢之北范蠡平吳之後與西子憩息於此故名
洗足非濯足也相傳月明之夜猶有美人出沒於其際

以上紀略

西子粧樓 在市中今有橋曰粧橋八景詩題所稱粧樓旭照是
也郡城亦有西子粧臺圖記在金明寺前張堯同所云一奩秋
鏡好猶可照西施指此桐溪紀略云粧樓在百丈河上今之粧
橋石也相傳范少伯絜西子僑居此地嘗臨水曉粧故名此橋
以志其勝元濮允中因建粧樓於橋畔簷楹高敞欄檻鮮華爲
濮川所聞記

卷二

三

宴遊勝地毀於兵燹粧樓僅存其名

胭脂滙 在百丈河卽粧橋之南元志屬崇德縣蘇平有詩府圖
經在濮院朱竹垞詩注云去郡城三里非也袁志則云三十里
按范蠡載西施之說相沿已久故吾郡故蹟如范蠡宅傾脂河
學繡塔之類不一非獨鎮上諸蹟也但三年達吳羈泊有之而
謂功成以後載以俱泛此承一舸逐鷗夷之語而誤幾以少伯
爲申公巫臣矣有是理乎弔古者毋徒襲其說也

以上紀聞

府志云濮院卽古樵李墟也其地有范蠡塢桐邑志云范少伯
挾西子汎遊五湖栖遲境內至今濮院有粧臺胭脂河幽湖等

蹟按汎舟五湖之說本爲後人附會楊升菴徐文長辯之甚悉且自春秋至今已閱數千年之久事旣無徵但當存而不論蹟志六萬涇橋 鎮東南有草蕩極廣中有阜土百堆高皆丈許傳爲子胥練兵之所衍陳所置鄉人鋤夫久則聚峙如故近蕩有六萬涇橋宋宣和初統軍王子武戮方臘寇六萬於此故名鎮西南八都並崇界九都又有西草蕩循是而管城何城晏城萱城烽火樓柴辟亭皆在大抵鎮之西南自石門以及海昌一水迤邐而分南越北吳備禦要害皆在此際

梧桐林 鎮之西偏曰梧桐鄉西寺前有梧桐橋初因夾岸皆梧桐川所聞記 卷二 三
桐林故名後周時鳳凰常集其上宋濮鳳以鳳棲梧桐卜居於此後建縣遂名桐鄉

西溪隱居 桐邑志云元鮑恂居千金梧桐二鄉與貝清江程柳庄結社於濮鎮秀治之西溪陳心隱詩地名本是古西溪鎮東有隱居菴按鮑中孚由崇德徙西溪天台徐一夔爲之作記云去郡三里有地近府城之語似不在鎮中孚有濮川八景詩題其結社於濮川可信而所謂秀治之西溪未能的指何地也至舊志又有鮑陋隱居疑卽鮑恂之譌或以爲鮑陋亦元人爲嘉郡學博考晉孫恩之亂海鹽令鮑陋者遣子嗣之追賊而沒故

海鹽有鮑郎浦則陋乃晉人所謂學博者無從考也

翔雲石 在元明觀後濮氏園中物也相傳此石嘗有五色雲起故名按家乘云翔雲石在元明觀之三清閣後石高二十餘尺聳峭玲瓏相傳爲五代間物天將雨輒見五色雲翔其頂周沖宇濮溪志草中謂宋朱勔取供花石綱至岳石鍾修元明觀碑記又謂張士誠昇去及按楊鐵崖額元明觀山門猶曰翔雲勝境且傳明之公依石爲園則其失於明季而非失於宋代明矣附考宋史徽宗崇寧四年上垂意花石取浙中珍異以進朱勔總花石綱應奉局於蘇州搜巖剔藪凡士庶之家一木一石稍

濮川所聞記

卷二

善

堪玩者必撤牆毀屋以出翔雲石因是而去周志豈無據而云然若張士誠初踞一隅正值兵戈雲擾之時豈遂清晏及此提舉公葺園或憑餘石鐵崖題扁聊識遺踪俱未可知也

雲泉 卽翔雲石故址從石穴涓流味甚甘冽居人常賴之嘗爲土湮塞疏之卽流如故

趙文敏墨蹟 在香海寺正殿樑上 以上細閱

管夫人畫竹 在香海寺元時寺初成趙子昂偕夫人管道昇來遊畫竹於殿西粉壁遠近稱爲勝觀或云在兩耳房今無考紀聞

國朝康熙年濮九上作誌略猶云未湮瑣志

大梓 在南新街大井之北宋以前物也舊圖有之

大松 雙賢橋西岳墳舊有大松亭亭如蓋畫家嘗於橋上摹繪

讀書臺 在梅花涇西元濮樂閒建宋景濂讀書於此東有梅涇

橋西北有雙賢橋謂潛溪與鐵崖也又有梅涇林屋亦潛溪遊

息處

桐香室 本濮樂閒讀書處其子仲溫好古嗜學雖居官不輟後

棄職還家增築精舍延楊鐵崖課業其中楊為作記宋景濂書

讀書敦教額懸室內里中沈氏尙寶之按桐香室在定泉橋左

或云在雙賢橋南

濮川所聞記

卷二

三

松月寮 濮仲溫建公歸里角巾道服朔別墅植松數十株松風

明月嘗鼓琴其中自號松月道人按松月寮在市中或云在化

壇之東楊鐵崖為之記盛子昭為之圖

餐玉居 亦濮氏別業在渡船橋東不可考

碧月亭 在幽湖橋西八景所謂幽湖月滿是也今為積福菴

吉靄堂 知止堂 百客樓 俱濮樂閒建在定泉橋左以上紀聞

金銀麵杖井一作寶井 在洗碗池左濮氏初散時以二麵杖投此井

中相傳一金一銀各四尺許井以大石覆口後有開者舉手輒

斃於是相戒莫敢指顧邑志 金銀麵杖傳在南新街陸姓井中職志

碾椒石

殘志作
研椒石

濮氏盛時內外廚房干丁共爨故置此石以治

椒辛圍徑五尺

邑志

天池石為之中有一孔以橫木作柄殘志舊遺

雷家潭中風雨晦暝每作祟傷人常見其浮出水面崇正己巳秋子姓中號承湖者偶經其處水涸石見遂以繩縛之大聲喝曰汝是我家故物何致失主無歸漸成妖魅昇之而還潭中自

是寂然

邑志

晒醬臺

在百畝園傍以土築臺高數丈濮氏盛時晒醬於此

蛇蟠石

濮樂閒園中物慈谿黃珩有詩朱竹垞以為即今郡中

舞蛟石

以上絕聞

濮川所聞記

卷一

美

濮川八景

繪圖賦詩者不一大約彷彿沿套恐非本來惟屠用

明出仇十洲臨幅標目較雅似可正詛曰福善翠冷翔雲高眺

幽湖月滿西院纏霞化壇楓冷梅涇花午桐林秋雨荷塘晚風

俗所傳者別自有三一曰東寺晨鐘西林夕照清閣凌虛止堂

清磬錦塘春曙道院荷風幽湖夜月梅涇雪霽一口會龍烟晚

棲鳳朝霞野橋分翠梧桐秋老北塘帆影水木禪居百園花果

渡船漁市一曰市橋曉色林墅書聲翔雲仙觀落日招提南涇

漁艇西村樵唱幽湖秋月梅溪雪霽亦各圖景詠詩流布人口

殘志